

GEFF III REPower - ProCredit Banka

Zemlja:	BOSNA I HERCEGOVINA
Broj projekta:	55436
Poslovni sektor:	Depozitni kredit (banke)
Vrsta obavijesti:	PRIVATNA
Okolinska kategorija:	FI
Ciljani datum odobravanja:	07. maja 2024.
Status:	Odobren
Datum objave PSD-a na engleskom jeziku:	

Opis projekta

Obezbijeđenje neosiguranog kredita u iznosu do 1 milion eura ProCredit Banci dd BiH ("PCBiH") za dalje kreditiranje stambenog sektora u BiH. Kredit je predviđen u okviru Instrumenta za finansiranje zelene ekonomije Zapadnog Balkana III - REpower ("WB GEFF III"). Ovo će omogućiti banci da promoviše investicije zelene ekonomije u zemlji.

Ciljevi projekta

Sredstva kredita će se koristiti za finansiranje PCBiH-a za rodno odgovorno pozajmljivanje kvalifikovanim podzajmoprimcima u stambenom sektoru za investicije koje podržavaju tranziciju zelene ekonomije ("GET") – prihvatljivi obnovljivi izvori energije za stambene potrebe i energetske efikasne tehnologije.

Tranzicijski uticaj

ETI 70

Projekat će doprinijeti ukupnim ciljevima Okvira i podržati **zeleni TI kvalitetu sa 100%** korištenja sredstava izdvojenih za aktivnosti tranzicije zelene ekonomije.

Podaci o klijentu

PROCREDIT BANK DD

ProCredit Bank dd BiH ("PCBiH") je komercijalna banka orijentirana na mala i srednja preduzeća u Bosni i Hercegovini ("BiH") sa 3,1% tržišnog udjela u aktivni, 3,3% u smislu neto kreditnog portfelja i 2,8% u pogledu depozita (krajem trećeg kvartala 2023.).

EBRD Finansiranje

EUR 1,000,000.00

Ukupni troškovi projekta

EUR 1,000,000.00

Okolinski i socijalni sažetak

Kategorija FI (ESP 2019): PCBiH je postojeći klijent Banke i od iste će se tražiti da nastavi da se pridržava PR 2, 4 i 9, te dalje, da implementira i poštuje EBRD-ove procedure upravljanja okolišnim i društvenim (E&S) rizicima za mikro, mala i srednja preduzeća i korporativna kreditiranja, uključujući pridržavanje sa E&S listom isključenja i listom preporuka ESP 2019, te dostavljati godišnje E&S izvještaje Banci. Upotreba sredstava Projekta može uključivati solarne pod-projekte. Takvim podprojektima će se upravljati u skladu sa 'Predloženim pristupom upravljanja za upravljanje rizikom u solarnom lancu opskrbe' (CS/FO/21-35) i svim naknadnim smjernicama razvijenim u skladu s tim pristupom.

Tehnička saradnja

Projekat će biti podržan sveobuhvatnim paketom tehničke pomoći PCBiH i podzajmoprimcima kako bi se olakšala priprema projekta i uspješna implementacija WB GEFF III programa. Sredstva za TC su obezbjeđena kroz Japansko-EBRD Fond za saradnju i od EU putem Investicionog okvira za Zapadni Balkan (WBIF) kroz Zajednički fond za zapadni Balkan (EWBJF). Sredstva za ne-TC finansiranje obezbjeđuje EU preko WBIF-a kroz EWBJF-a.

Dodatna vrijednost

Dodatna vrijednost se postiže kombiniranjem potrebnog srednjeročnog finansiranja uz tehničku saradnju, ciljane investicione podsticaje i dijalog o politikama u paketu koji promoviše ulaganja u stambenu zelenu ekonomiju u BiH, sa rodno odgovornom izgradnjom kapaciteta.

Kontakt podaci kompanije

Hazim Arnautovic

H.Arnautovic@ProCreditBank.ba

+38733250950

+38733250953

www.procreditbank.ba

Franca Lehara bb, 71000 Sarajevo, Bosnia and Herzegovina

Razumijevanje tranzicije

Dalje informacije u vezi s pristupom EBRD-a mjerenju tranzicijskog učinka dostupne su [ovdje](#).

Poslovne mogućnosti

Za poslovne mogućnosti ili nabavku, molimo kontaktirajte preduzeće koje je klijent.

Za poslovne mogućnosti sa EBRD-om (koje nisu vezane za nabavku), molimo kontaktirajte:

Tel.: +44 20 7338 7168

E-pošta: projectenquiries@ebrd.com

Za projekte u državnom sektoru, molimo kontaktirajte [EBRD Nabavke](#):

Tel.: +44 20 7338 6794

E-pošta: procurement@ebrd.com

Opći upiti

Konkretni upiti mogu se postaviti putem [Obrasca EBRD-a za upite](#).

Okolišna i socijalna politika (ESP)

[Okolišna i socijalna politika](#) i s njom vezani Provedbeni zahtjevi utvrđuju način na koji EBRD izvršava svoju obavezu promoviranja „okolišno zdravog i održivog razvoja“. Okolišna i socijalna politika i Provedbeni zahtjevi uključuju konkretne odredbe u skladu s kojima klijenti trebaju ispunjavati važeće odredbe domaćeg zakonodavstva u oblasti javnog informiranja i konsultacija, te uspostaviti

mehanizam za ulaganje pritužbi s ciljem prijema i lakšeg rješavanja spornih pitanja i pritužbi zainteresiranih strana, a posebno onih koji se odnose na okolišni i socijalni aspekt učinka klijenta i projekta. Srazmjerno prirodi i obimu rizika i učinaka koje projekt može imati u oblasti socijalnih odnosa i zaštite okoliša, EBRD dodatno zahtijeva od svojih klijenata da, po potrebi, objavljuju informacije o rizicima i učinku koji proistječu iz projekata ili da provedu konstruktivne konsultacije sa zainteresiranim stranama, razmotre povratne informacije koje pritom dobiju i odgovore na njih.

Više informacija o praksi EBRD-a s tim u vezi navedeno je u [Okolišnoj i socijalnoj politici](#).

Integritet i usklađenost

Ured Glavnog službenika za usklađenost u EBRD-u (OCCO) promovira dobro upravljanje i osigurava primjenu najviših standarda integriteta u svim aktivnostima Banke u skladu s najboljom međunarodnom praksom. Dubinska analiza integriteta svih klijenata Banke provodi se s ciljem osiguranja da projekti ne predstavljaju neprihvatljiv rizik po integritet ili ugled Banke. Banka smatra kako je otkrivanje i rješavanje spornih pitanja u stadiju procjene i odobrenja projekta najefikasniji način na koji se može osigurati integritet transakcija Banke. Ured Glavnog službenika za usklađenost ima ključnu ulogu u ovim zaštitnim mjerama, ali i pomaže u praćenju rizika po integritet u projektima poslije ulaganja.

Ured Glavnog službenika za usklađenost također je odgovoran za provođenje istrage u slučajevima navodne prijevare, korupcije i propusta u projektima financiranim sredstvima EBRD-a. Svaka osoba, bilo da djeluje unutar ili izvan Banke, koja sumnja u postojanje prijevare ili korupcije, treba podnijeti pismenu prijavu Glavnom službeniku za usklađenost putem e-pošte na adresu compliance@ebrd.com. Ured Glavnog službenika za usklađenost obrađuje sve prijave s ciljem praćenja daljeg razvoja događaja. Razmatraju se sve prijave, uključujući i one koje su podnesene anonimno. Prijave mogu biti podnesene na bilo kojem jeziku Banke ili jeziku zemlje u kojoj Banka posluje. Sve informacije moraju biti podnesene u dobroj namjeri.

Politika pristupa informacijama (AIP)

Od stupanja na snagu 01. 01. 2020. godine, Politika pristupa informacijama utvrđuje način na koji EBRD objavljuje informacije i obavlja konsultacije sa zainteresiranim stranama s ciljem promoviranja bolje informiranosti i razumijevanja strategija, politika i operacija EBRD-a. Za informacije o tome koji su podaci dostupni na internet stranici EBRD-a, molimo posjetite stranicu [Politika pristupa informacijama](#).

Posebni zahtjevi za informacijama mogu se podnijeti putem [Obrasca EBRD-a za upite](#).

Nezavisni mehanizam odgovornosti u realizaciji projekata (IPAM)

Ukoliko pokušaji da se socijalna, pitanja koja se odnose na zaštitu okoliša ili objavljivanje informacija riješe s klijentom ili Bankom ne uspiju (npr. putem mehanizma za rješavanje sporova s klijentima na nivou Projekta ili u direktnom kontaktu s upravom Banke), pojedinci i organizacije mogu tražiti rješenje spornih pitanja putem EBRD-ovog Nezavisnog mehanizma odgovornosti u realizaciji projekata (IPAM).

Nezavisni mehanizam odgovornosti u realizaciji projekata provodi nezavisno ispitivanje pitanja vezanih za Projekt za koja se smatra da su prouzrokovala (ili postoji vjerovatnoća da će prouzrokovati) štetu. Svrha Mehanizma jeste: podržati dijalog između zainteresiranih strana u projektu s ciljem rješavanja socijalnih, problema koji se odnose na zaštitu okoliša i objavljivanje informacija; utvrditi je li postupanje Banke bilo u skladu s njenom [Okolišnom](#) i socijalnom politikom ili konkretnim odredbama njene [Politike pristupa informacijama](#) koje se odnose na Projekt; te, po potrebi, otkloniti sve postojeće neusklađenosti s navedenim politikama, istovremeno sprečavajući neusklađenost u postupanju Banke u budućnosti.

Za informacije o tome kako podnijeti zahtjev za razmatranje putem našeg [povjerljivog e-obrasca](#), [e-pošte](#), [pošte ili telefona](#) molimo posjetite internet stranicu Nezavisnog mehanizma odgovornosti u realizaciji projekata. Nezavisni mehanizam odgovornosti u realizaciji projekata stoji Vam na raspolaganju za razgovor o spornim pitanjima i odgovore na pitanja koja imate u vezi s podnošenjem zahtjeva ili njihovom obradom, a koji su u skladu s [Politikom odgovornosti u realizaciji projekata](#) i [Smjernicama](#). Identitet podnositelja zahtjeva može, na njegov zahtjev, ostati zaštićen.